



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 132. Diversa edicta ad publicæ pacis conservationem.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

gem valebat, auctoritatem omnibus au-
 licis exosus effrænata sua libidine cun-
 ctorum invidiam in se concitabat, aula
 excedere jubebatur: verum is brevi cum
 factione, quæ tum prævalebat, pacem
 inire satagens in Guisiorum gratiam re-
 diit, oblata Duci unica ipsius filia, cui-
 cunque ex filiis suis vellet, desponsan-
 da, ea lege, ut ex nuptiali pacto am-
 plissima tam sua, quam conjugis suæ
 bona ei cederent, eorum usufructu dun-
 taxat sibi, atque uxori suæ servato, ni-
 hilominus hæ nuptiæ suo caruere suc-
 cessu, quamvis pacta utrinque fuissent
 acceptata.

§. CXXXII.

*Diversa edicta ad publicæ pacis con-
 servationem.*

Sub idem tempus pro civilis admini-
 strationis utilitate varia promulga-
 bantur edicta; quippe Cancellarius no-
 mine Oliverius insignis legum, & æqui-
 tatis custos pluribus decretis publicæ
 singulorum securitati provide consulue-
 rat: præprimis autem indictis etiam se-
 verissimis poenis inhibuit, ne absque
 Regis licentia sclopeta breviora, vel
 arma ad nocendum parata deferantur,
 nec minus usum prohibuit longiorum
 palliorum, & largiorum caligarum, qui-
 bus ejusmodi arma occultari solebant;

Hist. Eccles. Tom. XLIII. Q non

Sæcul. XVI.
 A.C. 1559.

Sæcul. XVI. non deerant tamen, qui hæc fuisse interdita spargerent ad preces Cardinalis Lotharingii, Viri alias timidi, qui cum sibi multos infensos esse sciret, semper sibi a suis hostibus periculum imminere pertimescebat. Paulo post insuper fuerunt revocatæ omnes Patrimonii Regii alienationes perperam, & in fraudem factæ, licet pensionis, aut alterius cujusvis donationis nomine etiam ex meritorum proemio factæ fuissent, a qua tamen lege possessiones eæ excipiebantur, quæ regiis filiabus pensionis loco, aut in dotem datæ sunt: insuper sub hoc decreto non fuerunt comprehensæ aliæ donationes a Regibus concessæ, quæ tamen singulæ articulatim enumerabantur.

§. CXXXIII.

Equites Ordinis S. Michaelis creati.

Thuan. l. 27. **Mezer. t. 5.** **d. 12.** Post hæc Guisii, ut plures sibi clientes devoverent, Regi Authores existere, ut quosdam Ordinis S. Michaelis Equites crearet. Annuit Rex, moxque eorum octodecim cooptavit, qui numerus certe major erat, quam unquam ab Anno millesimo quadringentesimo sexagesimo nono, quo Ludovicus IX. hunc Ordinem instituerat, factum esse constat. Peractis hisce solemnibus Rex Barum venit, atque ibi, cum Catharina Medi-